

历史撮要

下冊

歷史摘要目錄

上冊

三皇五帝紀

一至四

夏商周紀

四至一三

秦紀

一四至一八

西漢紀

一八至四一

新莽

四二至四六

東漢紀

四六至六四

三國紀

六五至七八

西晉紀

七八至九四

東晉紀

九五至一三八

劉宋紀

一三九至一四六

齊紀

一四七至一五〇

梁紀

一五一至一六六

陳紀

一六九至一七七

隋紀

一七八至一八五

下冊

唐紀

一至五一

五代紀

五二至六七

北宋紀附遼夏金

六八至一〇〇

南宋紀附夏金

一〇〇至一二三〇

元紀

一三一至一四二

明紀

一四三至一九三

清紀

一九三至二一五

歷史擷要下冊

唐紀

閩侯雲樵楊梯青編

唐高祖武德元年。秦主薛舉卒。子仁果立。唐世民擊滅之。二年。涼安修仁以兄興貴仕長安。襲執其主李軌歸唐。河西平。定楊可汗劉武周。遣宋金剛陷唐河東諸州。世民大破之。金剛武周走死。三年。世民伐鄭圍洛陽。世充求救於夏。四年。夏王建德救鄭。世民大破擒之。世充降。獻俘長安。斬建德。赦世充。初世充殺其總管獨孤武都。及武都從弟機。至是機子脩德爲定州。今直隸定州刺史。矯敕殺之。以報父仇。唐又遣李孝恭。宗室李靖伐江陵。梁主銑徵兵未集。曰。奈何以我故。陷百姓於塗炭乎。遂出降。靖乘勝定嶺南。初隋吳興。今浙江餘杭縣太守沈法興。聞宇文化及弑逆。舉兵討之。攻下十餘郡。遂據毘陵。今江蘇常州府稱梁王。東海李子通依賊帥左才相。羣盜殘忍。子通寬仁。人多歸之。遂取江都。稱吳帝。又有江淮盜杜伏威輔公祏。伏威年十六。勇冠賊中。共推爲主。據歷陽。今安徽和州後降唐。封吳王。尋子通襲吳郡。今蘇州府法興赴江死。伏威執子通送長安。

及伏威入朝。留公祐守丹陽。公祐反。李孝恭擊斬之。竇建德之死也。諸將高雅賢等謀報仇。夏故漢東公劉黑闥。屏居漳南。諸將詣之。告以其謀。黑闥殺牛與食。定計起兵。盡復舊境。遂稱王。唐兗州總管徐圓朗亦夏故將以兵應之。尋爲世民擊破。黑闥奔突厥。引突厥寇山東。太子建成擊走之。遣騎將劉宏基追至饒陽。今直隸饒陽縣黑闥所署刺史諸葛德威執送太子。斬之。黑闥臨刑歎曰。我幸在家鋤蔬。爲高雅賢輩所誤至此。高雅賢爲李世勣本姓徐賜姓李所殺。圓朗爲世民擊敗走死。自隋末王薄倡亂。四方竊位號。據州郡者。一百三十餘人。薄降唐。授齊州今山東濟南府總管。爲李武意所殺。林士弘先死。衆敗。至唐武德七年。羣雄俱滅。惟梁師都至貞觀二年乃亡。

高祖之起兵晉陽也。皆秦士世民謀。謂之曰。事成當以汝爲太子。將佐亦以爲請。世民固辭而止。太子喜酒色遊畋。齊王多過失。見世民功名日盛。內不自安。乃協謀傾世民。曲意事妃嬪。以求媚於上。世民獨不事之。由是諸妃嬪爭譽建成元吉。而短世民。初高祖以世民功大。特置天策上將授之。使開府。置官屬。世民以海內浸平。乃延文學之士。以杜如晦房元齡虞世南褚亮姚思廉李元道蔡允恭薛元敬顏相時古師

弟

蘇勗于志寧蘇世長薛收李守素陸德明孔穎達

蓋音

文達許敬宗等爲文學館

學士。號十八學士。時人謂之登瀛洲。旣而建成夜召世民飲酒而酖之。世民暴心痛。吐血數升。帝謂世民曰。觀汝兄弟。似不相容。當遣汝居洛陽。自陝以東皆主之。仍建天子旌旗。世民泣辭不許。將行。建成元吉謀曰。秦王至洛。不可復制。不如留長安。則取之易矣。乃密令人上封事。言秦王左右聞往洛陽。無不喜躍。觀其志趣。恐不復來。帝乃止。元吉因請殺世民。秦府僚佐皆惶懼。於是房元齡長孫無忌尉遲敬德等。勸世民圖之。世民乃密奏建成元吉欲殺臣。爲世充建德報讎。伏兵元武門。伺建成元吉入。世民射殺建成。敬德射殺元吉。其諸子皆坐誅。乃立世民爲太子。軍國庶事悉委處決。太子命縱禁苑鷹犬。罷四方貢獻。聽百官各陳治道。政令簡肅。中外大悅。故東宮官魏徵王珪。常爲建成謀。至是召之。謂徵曰。汝何爲離間我兄弟。徵舉止自若。對曰。先太子早從徵言。必無今日之禍。世民改容禮之。與珪並爲諫議大夫。初李密自恃智略功名。見高祖猶有傲色。及見世民。不覺驚服。私謂殷開山曰。真英主也。不如是何以定禍亂乎。高祖尋稱太上皇。世民卽位。是爲太宗。

高祖時定官制。以太尉司徒司空爲三公。中書尚書門下爲三省。自開府儀同三司。

至將仕郎。二十八階。爲文散官。驃騎大將軍。至陪戎副尉。三十一階。爲武散官。又定

租庸

備同

調法。田有租。

粟米之征

身有庸。

力役之征

戶有調。

布縷之征。綾絹絕。音詩。絲經。泉緯曰絕。布隨土地所宜。

建學校。奠先

師。置十二軍。分統關內諸府。每軍將副各一人。取威名素重者爲之。由是士馬精彊。

所向無敵。

此唐府兵所自始

太宗立於武德九年。明年改元貞觀。初卽位。置弘文館。聚四部

史經

子集

書。二十餘萬卷。選虞世南。褚亮。姚思廉。歐陽詢。蔡允恭。蕭德言等。以本官兼學士。

聽朝之隙。引入內殿。商確政事。取三品以上子孫充學生。數幸國子監。大徵名儒爲

學官。學生能明一經以上。皆得補官。增築學舍千二百間。屯營飛騎。亦給博士授經。

能通經者聽得舉貢。於是學者雲集。四夷君長亦遣子弟請入國學。升講筵者。至八

千餘人。時杜如晦。房元齡。魏徵。王珪等輔政。李世勣。李靖等掌軍。諫官隨宰相入閣

議事。京官宿內省。延問得失。讀明堂鍼灸書。知人五臟之系。皆附於背。乃除鞭背刑。

又詔房元齡等。定律令。比隋律減大辟九十二條。凡削煩去蠹。變重爲輕者。不可勝

紀。貞觀元年。關中饑。米斗直絹一匹。二年蝗。三年大水。上勤而撫之。至四年。天下大

稔米斗三四錢。終歲斷死刑纔二十九人。嘗以秦始皇營宮室而民怨叛。欲營一殿。材用已具。鑿秦而止。放宮女三千餘人。收歸降者一百二十餘萬口。是時公私富給。外戶不閉。行旅不齎糧。治道之盛。三代以還未有也。

初帝卽位。梁師都國寢弱。朝於突厥。勸令入寇。進至渭水便橋。帝出禦之。突厥請盟而退。尋遣柴紹等討師都。其下殺之以降。以其地爲夏州。今甘肅甯夏府時中國三百餘州。

分爲十道。曰關內。河南。河東。河北。山南。隴右。淮南。江南。劍南。嶺南。旣而突厥突利可汗與頡利可汗有隙。表請入朝。上曰。往者上皇以百姓故。稱臣於突厥。朕常痛心焉。

今單于稽顙。庶幾可雪前恥矣。未幾李靖襲破突厥。斬首萬餘級。俘男女十餘萬。頡利走依蘇尼失。啓氏之弟任城。今山東濟寧州王道宗引兵逼之。使蘇尼失執頡利。行軍副總管張

寶相取之以獻。蘇尼失舉衆來降。漠南遂空。上御樓受俘。館之太僕。上皇聞之。歎曰。漢高祖困白登不能報。今我子能滅突厥。匈奴別種付託得人。吾何憂哉。突厥旣亡。處其

降衆。東自幽州。今直隸順天府西至靈州。今甘肅靈州分突利故地爲四州。頡利故地爲六州。左置定襄。今山西忻州定襄縣右置雲中。今山西大同府二都督府。以統其衆。初上欲討嶺南。因魏徵諫。乃遣

使諭之。其酋長馮盎遣子智戴入朝。上曰。魏徵一言。勝十萬之師。賜絹五百匹。又遣

使立薛延陀。匈奴別種。敕勒諸部之一。俟音奇斤夷男姓為真珠可汗。真珠遂入貢。時林邑新羅屬朝鮮地黨

項西羌別種。今青海東南部。康國西域伊吾今新疆哈密廳契丹突厥屬國吐蕃西域諸國及突厥所統回紇拔野古

阿跌同羅僕骨僕固白霫諸部皆內附。遠方朝貢者衆。服裝詭異。中書侍郎顏師古

乃作王會圖。周武王時遠國歸款作王會篇於是四夷君長詣闕請帝為天可汗。帝置酒未央官。上皇

命頡利起舞。馮智戴盎子詠詩笑曰。胡頡利越智戴一家。古未有也。尋以吐谷渾寇涼州。遣

李靖討破之。其酋伏允可汗為左右所殺。子順斬其權臣天柱王來降。詔以為西平

郡王。國人又殺順。上乃使侯君集帥兵立順子諾曷鉢為可汗。高昌西域遏西域貢

道。君集擊滅之。置安西都護府於交河城。漢車師地。今新疆吐魯番廳。至高宗時。徙龜茲音鳩茲。西域初隋

末突厥分東西二國。唐興。西突厥統葉護可汗。於武德二年入貢。時東突厥始畢可

汗卒。弟頡利。子突利。分為二可汗。及東突厥滅。西突厥乙昆咄陸可汗。寇伊州。即伊吾

安西都護郭孝恪擊敗之。咄陸奔吐火羅。所部詣闕請更立可汗。上遣使立莫賀咄

統葉護之子。為乙昆射匱可汗。尋以高麗泉蓋蘇文泉姓三字名弑其王建武。立王從子藏。

帝親征之克遼東城。

今奉天府

降白巖城。

今遼陽州東北

進攻安市。

今盛京蓋平縣東北

高麗族人延壽惠真合

兵十五萬來援。上自將步騎四千爲奇兵。敕諸軍聞鼓角齊出。龍門。

今山西河津縣

人薛仁

貴著白衣大呼陷陣。所向無敵。大軍乘之。高麗兵大潰。延惠二人帥衆請降。上更名

所幸山曰駐蹕山。

即首山在遼陽州西南

刻石紀功。圍其城六旬。糧食將盡。詔班師。城主登城拜

辭。上嘉其固守。賜縑百匹。以勵事君。是役也。薛延陀真珠可汗請發兵助軍。上不許。

真珠尋卒。子多彌立。國人不附。回紇殺之。盡據其地。朝議恐其爲磧北患。乃遣世勣

道宗擊降之。於是回紇等十一姓皆歸命。備禮告廟。勒石於靈州。是時唐地東抵遼

海。西至焉耆。南盡林邑。北跨大磧。皆爲州縣。從橫合二萬餘里。帝官回紇等各酋長。

置燕然都護府。

後名瀚海。又曰安北。

以統之。鐵勒。

即敕勒。

部最遠者。曰骨利幹。遣使入貢。漢堅昆國。

唐曰結骨。

後改黠戛斯。

其君俟。

音奇利。

發來朝。詔以爲堅昆都督。去京師萬五千里。有流鬼國。

在北海之北。

重一譯入貢。以其使者余。

音賒。

志爲騎都尉。尋遣王元策破天竺。

即印度。

俘其王。遣

阿史那社爾。

三字姓。頡利姪。

等平龜茲。遣高侃擊禽西突厥車鼻可汗。置單于都護府。以上

皆貞觀二十三年中事也。貞觀九年。太上皇崩。

帝神采英毅。羣臣進見。皆失舉措。帝知之。每假以辭色。嘗謂公卿曰。人欲自見其形。

必資明鏡。君欲自知其過。必待忠臣。苟君懷諫。自賢。臣阿諛順旨。君既失國。臣豈能

獨全。時元齡善謀。如晦善斷。魏徵善諫。徵容貌不及中人。而有膽略。善回人主意。每

犯顏苦諫。或上怒甚。亦爲之霽威。上嘗得佳鵠。自臂之。望見徵來。匿懷中。徵奏事故

久。鵠竟死懷中。房元齡高士慶。問少府監竇德素。北門唐分宦寺爲北門。司故稱北門。近何營繕。德素

奏之。上怒。讓元齡等曰。君但知南牙同衙宰相爲南牙。司故稱南牙。政事。北門小營繕。何預君事。元齡

等拜謝。魏徵進曰。元齡等爲陛下股肱耳目。於中外事。豈有不應知者。使所營是。則

當助成之。非則當請罷之。不知何罪而責。亦何罪而謝也。上甚愧之。長樂福建長樂縣。公

主皇后所生。將嫁長孫冲。帝敕資送倍於永嘉今浙江永嘉縣。長公主。高祖女。魏徵諫曰。昔漢明

帝欲封皇子。曰。我子豈得與先帝子比。皆令半楚淮陽。今奈何資送公主。反倍於長

主乎。上告皇后。長孫無忌妹。好讀書。循禮法。務謙儉。常與上從容論古事。因而獻替裨益。弘多。嘗采自古婦人得失事爲女則三十。案貞觀十年崩疾。篤勸上親君子遠小人。納忠諫。屏讒慝。

上自謂失一良佐矣。后歎曰。妾數聞陛下稱重魏徵。今觀其引禮義。以抑人主之私情。乃知真社

稷之臣也。上嘗罷朝。怒曰。會須殺此田舍翁。后問爲誰。上曰。魏徵每廷辱我。后退具

朝服。曰妾聞主明臣直。今魏徵直。由陛下明故也。妾敢不賀。上乃悅。上嘗問侍臣。創業與守成孰難。元齡曰。草昧之初。與羣雄並起角力而後臣之。創業難矣。魏徵曰。自古帝王。莫不得之於艱難。失之於安逸。守成難矣。上曰。元齡與吾共取天下。故知創業難。徵與吾共安天下。故知守成難。徵薨於貞觀十七年。上謂侍臣曰。以銅爲鏡。可正衣冠。以古爲鏡。可見興替。以人爲鏡。可知得失。魏徵沒。朕亡一鏡矣。命圖功臣。長孫無忌。趙郡王孝恭。杜如晦。魏徵。房元齡。高士廉。尉遲敬德。李靖。蕭瑀。段志元。劉弘基。屈突通。殷開山。柴紹。長孫順德。張亮。侯君集。張公瑾。程知節。虞世南。劉政。會。唐儉。李世勣。秦叔寶。等於凌烟閣。在西內太極殿是年太子承乾謀反。廢爲庶人。立晉王治爲皇太子。帝第九子時年十六承乾治皆皇后出也。貞觀二十三年帝崩。太子卽位。是爲高宗。高宗初卽位。日引刺史十人入閣。問民疾苦。詔獻鷹隼犬馬者罪之。御安福門樓。觀胡人擊鞠。曰羣胡謂朕好之。朕焚鞠以自戒。出畋遇雨。曰雨衣若爲則不漏。谷那律曰。以瓦爲之則不漏。上悅。罷獵。無忌遂良。同心輔政。故永徽之治。百姓阜安。有貞觀之風。初房元齡子遺愛。尙太宗女高陽公主。公主驕淫怨望。遺愛亦與薛萬徹尙高祖女

丹陽紹子尚太宗柴令武女巴陵公主謀奉荆王元景高祖子為主。吳王恪太宗子有文武才。為物情所向。

太宗嘗謂無忌曰。雉奴高宗小字懦恐不能守社稷。欲立恪。無忌固爭而止。恪非后出遂與無

忌相惡。無忌欲因事誅之。及遺愛事發。上令無忌鞠之。遺愛因言與恪同謀。冀免死。

於是誅遺愛萬徹令武。賜恪及高陽巴陵公主死。先是太宗時百濟東夷國高麗伐新

羅。亦東夷內附至是新羅復告急。帝遣蘇定方擊破百濟。國王義慈降。既而其故將福信

乞援日本。為劉仁軌孫仁師所破。四戰皆捷。百濟亡。以其地置五都督府。鄭仁泰又

擊降鐵勒。鐵勒叛犯邊。聞仁泰至。合衆十餘萬拒之。選驍健者數十人挑戰。薛仁貴

發三矢殺三人。餘皆下馬請降。仁貴悉坑之。度磧北。獲葉獲兄弟三人而還。軍中歌

曰。將軍三箭定天山。今甘肅涼州府匈奴呼天為祁連故亦名祁連山壯士長歌入漢關。即玉門關今甘肅安西州會泉蓋蘇文

死。其子男生出巡城。弟男建男產發兵拒之。男生遣子詣闕求救。詔李勣即世勣避太宗諱

契苾音喫彌鐵勒部降唐何力名也討之。拔平壤。擒男建。國王高藏遣男產請降。高麗悉平。分其

地為九都督府。置安東都護府於平壤以統之。時蕭淑妃有寵。王皇后疾之上。悅太

宗才人武氏。太宗崩。武氏出為尼。后陰令蓄髮。納後宮。欲以間淑妃。武氏多權數。遂

大幸。中書舍人李義府。人謂之笑中有刀。又曰李貓。與衛尉卿許敬宗。請立武氏爲后。上以問遂良。對曰。先帝臨崩。執陛下手。謂臣曰。朕佳兒佳婦。今以付卿。非有大故。不可廢也。上不悅。又問李勣。對曰。此陛下家事。何必更問外人。遂廢王皇后。立武氏。王后蕭妃並囚於別院。上嘗念之。間諫音行至其所呼之。王后泣曰。至尊若念疇昔。使得再見日月。幸甚。上曰。朕卽有處置。武氏聞之。大怒。遣人斷去手足。投酒甕中。曰。令二妃骨醉。數日而死。初侍中韓瑗。中書令來濟。皆諫立武氏。至是遂良韓瑗貶死。來濟貶庭州。西域高昌地會西突厥入寇。赴敵死。殺無忌。及王后舅柳奭。上苦風眩。不能視事。使武氏決之。皆稱旨。由是權歸中宮。沛王賢。武后子字明允卽章懷太子聞王勃。字子安通孫善屬文。召爲脩撰。時諸王鬪鷄。勃戲爲檄周王。武后子卽中宗鷄文。上見之。怒曰。此乃交構之漸。斥出沛府。後以武后所信方士明崇儼爲人所殺。疑賢所爲。先是太子弘。武后子薨。立賢爲太子。崇儼嘗稱其不堪承繼。故后疑之。上愛太子不欲易。后不可。遂廢爲庶人。而立英王哲。卽周王爲太子。帝崩。哲卽位。是爲中宗。立二月。廢爲廬陵。今江西吉安府王更立豫王旦。哲弟居別殿。后御紫宸殿稱制。字敬業。勣孫越王貞。太宗子相繼舉兵謀匡復。皆敗死。后

遂殺唐宗室殆盡。前已殺故太子賢。至是並殺其二子。取宗楚客所獻十二字。自名

璽。同照改國號曰周。盛開告密。有魚保家者。請鑄銅匭受密奏。璽善之。未幾怨家投匭。

告保家爲敬業作兵器。遂伏誅。時索元禮周興來俊臣。競爲暴刻。撰羅織經一卷。網

羅無辜。中外畏之。尋周興爲人告。命俊臣鞠之。適與興對食。謂曰。囚多不承。當爲何

法。興曰。此甚易耳。取大甕。以炭四周炙之。令囚入中。何事不承。俊臣索大甕如興法。

起謂興曰。有內狀推兄。請兄入此甕。興惶恐服罪。法當死原之。流嶺南。在道爲仇家

所殺。後元禮俊臣亦以事伏誅。郭霸因召見。自陳往討敬業。臣誓抽其筋。食其肉。飲

其血。絕其髓。璽悅。遷御史。時號四其御史。魏元忠病。霸往嘗其糞。喜曰。糞甘可憂。今

苦無傷也。元忠大惡之。僧懷義幸於后。以爲白馬寺主。使入宮營造。補闕王求禮。請

闍男子去勢之。庶不亂宮闈。表寢不出。蘇良嗣爲相。遇懷義於朝堂。懷義偃蹇不爲禮。良

嗣大怒。命左右批其頰。懷義訴之。后曰。阿師當於北門。宣寺爲北門出入。南牙。宰相爲南

宰相所往來。勿犯也。會御醫沈南璆亦幸於后。懷義心慍。言多不順。后陰使人毆殺

之。后又幸張易之昌宗兄弟。皆美少年。謂易之爲五郎。昌宗爲六郎。或譽昌宗曰。六

之。后又幸張易之昌宗兄弟。皆美少年。謂易之爲五郎。昌宗爲六郎。或譽昌宗曰。六

郎面似蓮花。楊再思獨曰。乃蓮花似六郎耳。初魏元忠爲洛州今河南府長史。易之奴暴

亂都市。元忠杖殺之。及爲相。后欲以易之弟昌期爲雍州長史。元忠不可。張諸怨而

譖之。元忠坐貶。入辭。指二張曰。此二小兒終爲亂階。陛下他日必思臣言。后嘗命朝

貴宴集。二張位宋璟上。易之素憚璟。欲說其意。虛位揖之。曰。公方今第一人。何乃下

坐。璟曰。才劣位卑。張卿以爲第一。何也。天官侍郎鄭杲謂璟曰。中丞奈何卿五郎。璟

曰。以官言之。正當爲卿。足下非張卿家奴。何郎之有。舉坐悚惕。后淫虐而有權略。頗

能用賢。以剖析軍書有條理。擢姚元崇。以用法平恕。擢徐有功。以得人擢張遁憲。姚夏

官侍郎尋拜相徐殿中侍御史張司勳郎中賞其薦張嘉貞異才也以魏元忠妻師德狄仁傑。先後同平章事。嘗欲立三思爲

太子。仁傑諫曰。陛下立子。則千秋萬歲後。配食太廟。承繼無窮。立姪。則未聞姪爲天

子。而祔姑於廟者也。因勸召還廬陵王。時在房州今湖北鄖陽府房縣后意稍寤。他日謂仁傑曰。朕夢

大鸚鵡兩翼皆折。何也。對曰。武者陛下之姓。兩翼二子也。起二子。則兩翼振矣。帝由

是得還東宮。后嘗問仁傑。欲得一佳士。仁傑薦張柬之有宰相才。又薦姚元崇桓彥

範敬暉等數十人。或曰。天下桃李。悉在公門矣。仁傑曰。薦賢爲國。非爲私也。尋卒。後

四年以姚元之即元爲靈武今甘肅甯夏府靈州道安撫大使。將行。后令舉堪爲宰相者。對曰。張

柬之沈厚有謀。能斷大事。其人己老。惟陛下急用之。后遂以柬之同平章事。年且八

十矣。明年正月。武氏疾甚。易之昌宗。居中用事。張柬之崔元暉敬暉桓彥範袁恕己。

及羽林將軍李多祚等。舉兵誅二張。迎帝復位。帝尊武氏曰則天皇帝。復唐國號。周

篡唐凡十五年。是年冬。武氏死於上陽宮。年八十二。東之等五人賜王爵初帝在房州。與韋后

同幽閉。欲自殺。后止之。私誓曰。異時幸復見天日。當惟卿所欲。至是上臨朝。后必施

帳坐預政。如武氏在高宗時。上女安樂公主。適武三思子崇訓。婕妤上官婉兒。辯慧

能文。三思通焉。婉兒薦之於韋后。上使后與三思雙陸。自爲點籌。三思遂與后通。貶

張柬之五人。尋皆殺之。太子重俊。非后所生。后與三思皆惡之。崇訓又謀廢太子。太

子積不能平。遂與李多祚。矯制發羽林兵。殺三思。崇訓於其第。叩閣索婉兒。軍潰。與

多祚皆死。時定州人郎岌。許州參軍燕欽融。皆上言后淫亂干政。宗楚客圖危社稷。

后殺之。上意怏怏。后懼。與安樂謀於餅中進毒。弑帝。立溫王重茂。時年十六自爲太后攝

政。楚客與諸韋勸革唐命。又與安樂謀去相王。於是相王子隆基起兵討斬韋后。及